

David cunter Goliat cun ovs svizzers?

Ils consuments vulan mangiativas senza gentech

■ (anr/vi) **Ils producents dad ovs fissan prest vegnids en la chavellera cun represchentants da l'industria da gentech. Ma ils producents dad ovs han temì la confruntaziun – era cun il Forum da consuments.** L'istorgia da David cunter Goliat enconuscha mingin. L'istorgia ch'è capitada dacurt en connex cun in inserat da GalloSuisse regorda in pau a la lutga tranter David e Goliat. Sulet ch'il David n'ha en quest cas betg gi in crap enta puntg, mabain sulet in ov. E cun ovs fai pauc senn da vulair sa dustar cunter in Goliat.

Avant Pasca ha GalloSuisse, l'uniun dals producents dad ovs, fatg reclama per ovs svizzers. En l'inserat stevi scrit tranter auter: «Ovs svizzers gustan meglier perquai ch'il pavel da las giaglinas n'è betg midà geneticamain e na cuntegna ni proteïns d'animals ni antibiotica.»

Concerns che gudognan milliuns

Questa constataziun n'è betg stada tenor il gusto da l'industria da la tecnologia genetica. Sco la gasetta «Saldo» scriva, ha la Internutrition da Turitg reclamà tar GalloSuisse. Ella ha fatg da savair ch'ins giaja avant dretgira, sche GalloSuisse na midia betg l'inserat. GalloSuisse ha laschè pender las alas ed ha midà ina passascha.

Pertge? «Nus n'avain betg tant d'ners e la gnarva per ir avant dretgira», declera il president da GalloSuisse *Wili Lüchinger* a l'anr.

Davos la Internutrition stattan – tenor «Saldo» – concerns mundials che vendan semenza u pavel da gentech. I sa tracta da concerns che na ston betg quintar cun pitschnas marschas sco ils producents dad ovs, mabain che fan gudogns da milliuns francs e che han siveutas annualas da milliardas.

Strusch insatgi vul gentech

Gallosuisse ha pia midà il text sco suonda: «Ovs svizzers vegnan stimads perquai ch'il pavel da las giaglinas vegn producì tenor normas da qualidad svizzas, e na cuntegna ni proteïns d'animals ni antibiotica.»

Questa construcziun na tuna sa chapescha betg pli uschè bain. Ella ha in tef administrativ. «Nus avessan gugent vinavant fatg reclama cun il term 'gentechfrei', di *Lüchinger*. Ma el manegia era: «Il consument sa era uschia tge ch'è manegia.»

«Nus avevan sentì ch'ils Svizzers cumpran dapli ovs d'import. Cun questa reclama avain nus vulì scurlattar ord la sien ils consuments.» Retshertgas hajan la finala mussà che la gronda part dals consuments svizzers giavischia mangiativas ch'èn libras da gentech.

Beim Schweizer Ei bezahlen Sie die Qualität, beim Billig-Ei die Hennen die Zeche!

Billig ist «in». Doch Billig-Eier werden auf Kosten des Tieres produziert. Und Schweizer Eier?

Schweizer Eier werden unter den Bestimmungen der weltweit schärfsten Tierschutzgesetzgebung produziert. Die Käfighaltung ist in der Schweiz seit 1991 verboten.

Schweizer Eier genießen Vertrauen, weil das Futter der Hennen nach schweizerischen Qualitätsnormen hergestellt wird, weder tierisches Eiweiss noch Antibiotika enthält.

Schweizer Eier stammen von gesunden Legehennen: In der Geflügelhaltung ist die Schweiz eine vom Ausland beneidete «Gesundheitsinsel».

Schweizer Eier stammen von Familienbetrieben, welche nachhaltig und ökologisch produzieren.

Schweizer Eier stammen von Legehennen aus schweizerischer Aufzucht.

Das alles hat seinen Preis. Darum kosten Schweizer Eier mehr, bieten aber auch mehr Genuss, mehr Tierliebe und ein gutes Gefühl.

Das Schweizer Ei – wenn's Ihnen schmeckt, freut sich das Huhn

Betg sulet l'industria da gentech ha reclamà tar GalloSuisse, mabain er il Forum da consuments. La reclama da Gallosuisse na saja betg objectiva e violeschia il princip da la sinceradad.

MAD

«Extrem correct»

Curius en quest connex è: Betg sulet l'industria da gentech ha reclamà tar GalloSuisse, mabain er il Forum da consuments. La reclama da Gallosuisse na saja betg objectiva e violeschia il princip da la sinceradad, di *Fabiola Monigatti* dal Forum da consuments a l'anr.

Ins na possia gea era betg pretender ch'in caffè cun groma gustia meglier ch'in auter. E tar la tecnica genetica saja quai sumegliant. Ins stoppia perquai dar adatg.

Sin la dumonda, sch'il Forum da consuments simpatiseschia cun l'industria da gentech, respunda Monigatti: «Nus dain extrem gronda paisa sin reclama correcta.»

L'infurmaziun objectiva haja empriima prioritad. Sch'insatgi na resguardia betg quest princip, lura reclomia il forum.

Sch'insatgi haja il sentiment ch'il forum saja collià cun l'industria genetica, lura saja quai fallà.

Nua è David cun ses crap?

Pli critica visavi la tecnologia genetica è in'otra organisaziun da consuments: la Fundaziun per la protecziun da consuments. Là èn ins cuntent, sche las giaglinas n'obtegnan betg pavel da gentech. «Nus na fissan betg sa vilentads sin tala moda pervi da quest inserat», di *Thomas Meier*, il pledader da la fundaziun. Ma el conceda era ch'ina tala cumparegliaziun na saja betg dal tuttafatg schubra.

«Nus pensain ch'igl è positiv, sch'in-satgi fa reclama cun il term 'gentechfrei' – premiss che quai constat. Perquai na fissan nus mai vegnids sin l'idea da reclamar pervi d'in tal inserat», di Meier.

Era sche GalloSuisse ha laschè pender las alas, pon ins dir, che l'ultim chapitel en quest'istorgia n'è probabel anc betg scrit. Las uniuns purilas han numnadamain er interess da pudair far reclama cun il term 'gentechfrei'. Ma fin uss manca anc il David cun ses crap ed ina bella purziun curaschi.